

傷寒論新元編



中醫學傷寒論新元編二冊

漢南陽張仲景先生撰著
瀏陽王正樞據成本改編

長沙正府街復豐印刷局代印

長沙羣益圖書公司代售
通問處湖南省教育會

版權所有
不許翻印
歡迎注釋
請先惠教

中華民國十一年六月初版

定價銀伍角

傷寒論新元編卷三

漢南陽張 機仲景撰述

瀏陽王正樞立菴編次

論太陽病第六

太陽病、外證未解者、不可下也、下之為逆。欲解外者、宜桂枝湯主之。六十

太陽病、外證未解、脈浮弱者、當以汗解、宜桂枝湯。五八

欲自解者、必當先煩、乃有汗而解。何以知之、脈浮故知汗出解也。一三八

服桂枝湯、大汗出、脈洪大者、與桂枝湯如前法。若形如瘧、日再發者、汗出必解。

宜桂枝二麻黃一湯。四一

桂枝二麻黃一湯方

太陽病表證也、最忌誤下、則引邪入裏、故先示禁忌、乃論治法。桂枝證、此太陽病三自解、字冠下三條。承上桂枝湯、此數條細意、斟酌於桂枝、麻黃之間。

承上形如瘧

桂枝 一兩十七銖
去皮

芍藥 一兩六銖

麻黃 十六銖
去節

生薑 一兩六銖
切

杏仁 十六個
去皮尖

甘草 一兩二銖
炙

大棗 五枚
擘

右七味、以水五升、先煮麻黃一二沸、去上沫、內諸藥、煮取二升、去滓、溫服一

升、日再服。

太陽病、得之八九日、如瘧狀、發熱惡寒、熱多寒少、其人不嘔、清便欲自可、一二三度發、脈微緩者、為欲愈也。脈微而惡寒者、此陰陽俱虛、不可更發汗、更下更吐也。面色反有熱色者、未欲解也、以其不能得小汗出、身必痒、宜桂枝麻黃

各半湯。 三九

桂枝麻黃各半湯方

桂枝 一兩十六銖
去皮

芍藥 一兩

生薑 一兩
切

甘草 一兩
炙

承上發熱惡寒

麻黃

一兩
去節

大棗

四枚
擘

杏仁

二十四個湯浸去
皮尖及兩仁者

右七味、以水五升、先煮麻黃一二沸、去上沫、內諸藥、煮取一升八合、去滓、溫服六合。

太陽病、發熱惡寒、熱多寒少、脈微弱者、此無陽也、不可發汗、宜桂枝二越婢一湯。四三

桂枝二越婢一湯方

桂枝

十八銖
去皮

芍藥

十八銖

甘草

十八銖
炙

生薑

一兩二銖

大棗

四枚
擘

麻黃

十八銖
去節

石膏

二十四銖
碎綿裹

右七味、以水五升、煮麻黃一二沸、去上沫、內諸藥、煮取二升、去滓、溫服一升、
金匱要略有越婢湯 麻黃六兩 甘草二兩 石膏半斤 生薑三兩 大棗十五枚 桂枝二越婢一者乃合桂枝二劑越婢一劑約取

麻黃證仍承
上八九日

自愈
以上本經病
以下過經病
以麻黃與柴
胡比論

以柴胡與承
氣比論

八分之一也。名方者或以物或以人越婢之義
不必深求殆如千金方中黑奴散趙撓圓之類

太陽病脈浮緊無汗發熱身疼痛八九日不解表證仍在此當發其汗麻黃湯
主之服藥已微除其人發煩目瞑劇者必衄衄乃解所以然者陽氣重故也。六
麻黃湯主之原為末句
因恐讀者誤解故移之

太陽病脈浮緊發熱身無汗自衄者愈。六三

太陽病十日已去脈浮細而嗜臥者外已解也。設胸滿脇痛者與小柴胡湯。脈
但浮者與麻黃湯。五三

太陽病過經十餘日心下溫溫欲吐而胸中痛大便反澹腹微滿鬱鬱微煩先
此時自極吐下者與調胃承氣湯若不爾者不可與但欲嘔胸中痛微澹者此
非柴胡證以嘔故知極吐下也。一四五

以桂枝與承
氣比論

此屬陽明之
證仍以桂枝
與承氣比論

太陽病未解、脈陰陽俱停、必先振慄汗出而解。但陽脈微者、先汗出而解、但陰脈微者、下之而解。若欲下之、宜調胃承氣湯主之。

一一二宋本
注停一作微

病人煩熱、汗出則解。又如瘧狀、日晡所發熱者、屬陽明也。脈實者宜下之、脈浮虛者宜發汗。下之與大承氣湯、發汗宜桂枝湯。

二六八

病經誤治為逆此篇詳論薛樣逆證

論傷寒壞病上第七

證論

凡病若發汗若吐若下若亡血亡津液而陰陽自和者必自愈。

七四 成本脫亡血二字今據

脈經卷七及千金翼方為正本論辨脈法中亦有此文

大下之後復發汗小便不利者亡津液故也勿治之得小便利必自愈。

七五

下之後復發汗必振寒脈微細所以然者以內外俱虛故也。

七六

太陽病先下之而不愈因復發汗以此表裏俱虛其人因致冒冒家汗出自愈。

所以然者汗出表和故也得裏未和然後復下之。

一一一

脈浮數者法當汗出而愈若下之身重心悸者不可發汗當自汗出乃解所以然者尺中脈微此裏虛須表裏實津液自和便自汗出愈。

六五

下後復發汗為再逆但病證本輕者亦自易愈此下四條皆有所以然者之句不惟證治亦聯貫也

誤下

未持脈時、病人手叉自冒心、師因教試令欬、而不欬者、此必兩耳聾、無聞也。所以然者、以重發汗、虛故如此。九一

發汗後、飲水多必喘、以水灌之亦喘。九二

發汗後、水藥不得入口爲逆、若更發汗、必吐下不止。九三

咽喉乾燥者、不可發汗。一〇一

淋家不可發汗、發汗必便血。一〇二

瘡家雖身疼痛、不可發汗、發汗則瘥。一〇三

衄家不可發汗、汗出必額上陷、脈急緊、直視不能眴、不得眠。一〇四

亡血家不可發汗、發汗則寒慄而振。一〇五

汗家重發汗、必恍惚心亂、小便已、陰疼、（與禹餘糧圓）

一〇六 醫宗金鑑云 按禹餘糧丸爲瀉痢之藥

與此證不合與禹餘糧凡五字衍文也當刪之正樞案此五字疑爲後人所附加本論藥方中固無此方也

病人有寒復發汗胃中冷必吐蚘。一〇七

病人脈數數爲熱當消穀引食而反吐者此以發汗令陽氣微膈氣虛脈乃數也數爲客熱不能消穀以胃中虛冷故吐也。一四四

傷寒四五日脈沉而喘滿沉爲在裏而發反其汗津液越出大便爲難表虛裏

實久則讖語。二四七

夫實則讖語虛則鄭聲鄭聲重語也。二三八

直視讖語喘滿者死下利者亦死。二三九

發汗多若重發汗者亡其陽讖語脈短者死脈自和者不死。二四〇

本發汗而反下之此爲逆也若先發汗治不爲逆本先下之而反汗之爲逆若

承上反發其
汗下二法
汗之語總束

先下之、治不爲逆。一〇八

吐逆

太陽病、當惡寒發熱。今自汗出、不惡寒發熱、關上脈細數者、以醫吐之過也。一

二日吐之者、腹中飢、口不能食。三四日吐之者、不喜糜粥、欲食冷食、朝食暮吐

以醫吐之所致也。此爲吐（小）逆。一四二 小逆
當爲吐逆

太陽病、吐之。但太陽病當惡寒、今反不惡寒、不欲近衣、此爲吐之內煩也。一四三

水逆

太陽病、小便利者、以飲水多、必心下悸。小便少者、必苦裏急也。一四九

溫針

太陽傷寒者、加溫針、必驚也。一四一

火逆

太陽病二日、反躁、反熨其背、而大汗出、大熱入胃、胃中水竭躁煩、必發譫語。十餘日振慄自下利者、此爲欲解也。故其汗從腰已下不得汗。欲小便不得、反嘔、欲失溲。足下惡寒、大便鞭、小便當數、而反不數、及不多。大便已、頭卓然而痛。其

人足心必熱、穀氣下流故也。一三〇

太陽病、中風、以火劫發汗、邪風被火熱、血氣流溢、失其常度、兩陽相熏灼、其身發黃。陽盛則欲衄、陰虛則小便難、陰陽俱虛竭、身體則枯燥。但頭汗出、劑頸而還、腹滿微喘、口乾咽爛、或不大便、久則譫語。甚者至噦、手足躁擾、捻衣摸牀、小便利者、其人可治。一三一

形作傷寒、其脈不弦緊而弱、弱者必渴、被火者必譫語、弱者發熱、脈浮、解之、當汁出愈。一三三

太陽病、以火熏之、不得汗、其人必躁、到經不解、必清血、名爲火邪。一三四

脈浮熱甚、反灸之、此爲實、實以虛治、因火而動、必咽燥唾血。一三五

微數之脈、慎不可灸、因火爲邪、則爲煩逆、迫虛逐實、血散脈中、火氣雖微、內攻

傷寒論卷之六 壞病上

有力、焦骨傷筋、血難復也。 一三

脈浮、宜以汗解、用火灸之、邪無從出、因火而盛、病從腰以下必重而痺、名火逆也。 一三七

方論

沿桂枝以起下文諸治法

太陽病三日、已發汗若吐若下若溫針、仍不解者、此為壞病、桂枝不中與也、觀其脈證、知犯何逆、隨證治之。 三二

發汗後承桂枝湯說起

發汗後、不可更行桂枝湯。汗出而喘、無大熱者、可與麻黃杏仁甘草石膏湯主之。 七九

麻黃杏仁甘草石膏湯方

麻黃 四兩
去節

杏仁 五十個
去皮尖

甘草 二兩
炙

石膏 半斤
碎綿裹

右四味、以水七升、先煮麻黃減二升、去上沫、內諸藥、煮取二升、去滓、溫服一升。

發汗後、身疼痛、脈沈遲者、桂枝加芍藥生薑各一兩、人參三兩、新加湯主之、七八

發汗後、腹脹滿者、厚朴生薑甘草半夏人參湯主之、

厚朴

半斤
去皮炙

生薑

半斤
切

半夏

半斤
洗

人參

一兩

甘草

二兩
炙

右五味、以水一斗、煮取三升、去滓、溫服一升、日三服、

發汗後、其人臍下悸者、欲作奔豚、茯苓桂枝甘草大棗湯主之。

茯苓桂枝甘草大棗湯方

茯苓 半斤

甘草 二兩

大棗 十五枚

桂枝 四兩

右四味以甘瀾水一斗先煮茯苓減二升內諸藥煮取三升去滓溫服一升日三服作甘瀾水法取水二斗置大盆內以杓揚之水上有珠子伍陸千顆相逐取用之。

發汗過多其人叉手自冒心心下悸欲得按者桂枝甘草湯主之。 八十

桂枝甘草湯方

桂枝 四兩

甘草 二兩

右二味以水二升煮取一升去滓頓服。

發汗病不解反惡寒者虛故也芍藥甘草附子湯主之。 八四

芍藥甘草附子湯方

芍藥 三兩

甘草 三兩

附子 一枚

右三味、以水五升、煮取一升五合、去滓、分溫三服。

太陽病、發汗、汗出不解、其人仍發熱、心下悸、頭眩、身瞤動、振振欲擗地者、真武湯主之。 一百

太陽病、發汗、遂漏不止、其人惡風、小便難、四支微急、難以屈伸者、桂枝加附子湯主之。 三七

桂枝加附子湯方

於桂枝湯方內、加附子一枚、炮。

發汗後惡寒者、虛故也。不惡寒但熱者、實也。當和胃氣、與調胃承氣湯。 八六

太陽病、發汗後、大汗出、胃中乾、煩燥不得眠、欲得飲水者、少少與飲之、令胃氣

承虛證轉弱
實證